


0
1cm
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28



浙江圖書館



浙江圖書館



浙江圖書館



浙江圖書館



皇明名臣琬琰錄卷之十四

右布政使張公墓誌銘

右布政使王公傳

左布政使彭先生墓誌銘

左布政使黃公傳

一菴陶公墓誌銘

左布政使蕭公墓表

質菴范公墓誌銘

右布政使陸公行狀

浙江圖書館 瑯琊

王世貞續編



胡直

戴鯨

右布政使顧公墓誌銘

潘恩

左布政使孫公行狀

胡栢泉

王君濟川墓誌銘

王爌

右布政使戴公墓誌銘

刑公珣墓誌銘

嚴嵩

霞山蔡公行實

蔡雲程

浙江圖書館

中奉大夫浙江等處承宣布政使司右布政使

歙齋張公墓志銘

齊

撰



正德初韓忠定率部院大臣伏闕誅請近闈八黨當是時武皇帝將行遣輔臣有狎於闈者密泄之竟敗計不四年而閹瑾之禍徧天下及瑾誅輔臣又將論功廕子南京監察御史張公聞之上疏曰李其者顧大臣當與陛下同休戚也方劉瑾亂政既不能防微杜漸又不能力與之爭顧降禮屈辱且為草制語極褒美遂使驕橫恣肆荼毒天下其罪已不可贖乃冒他人功受恩賞他日何以見先帝哉竊見國家大臣正直者多不容於瑾方得

志之時奸邪者多見黜於瑾已伏誅之後惟某始終无恙
臣不知其何善為身謀若此也疏入輔臣持之涕泣不能
辨天下一日知有張御史慕其人必以為雄傑偉特性梗
棘不可近自余見其退休時恂書儒生布素徒步道不知
其為貴人方欲相從間當時忠伏闕始末與正德間諸
大政事以補史官之缺不一再見卒矣悲夫公名芹字文
林世居新塗之峽江後析地今為峽江縣人祖某父某歲
貢為蒲臺教諭以公貴封御史公為諸生博學有時名弘
治戊午舉鄉試壬戌第進士授福州推官以薦召為御史
出知徽州府宸濠反言者過計恐脇公家取道于徽請改

杭杭州公方誓死守要害斬賊間諜命卞乃去已而當
道因徽人之思復遣還郡又謂宜於杭自徽陞浙江按察
副使巡視海道進布政司右叅政終右布政在官餘二十
年所至皆有可述不獨輔臣一事而已初為福州習吏事
嘗檄訊縣尉獄尉貪而昵於清吏御史御史右之不為聽
按閩者數論薦之及為御史論輔臣禍且不測會都御史
林公俊亦自蜀上疏論時事俱得削俸於是益感激自效
當屬草未嘗一遜人其棟竇明諫馳馬兩事尤為人所誦
竇明刑科給事中也嘗以言下獄公論棟有言曰言官
天子耳目也善遇之人人思奮而謇諤之風起不善遇之

則人人畏避而循默之風成自古治亂興廢之驗莫不由此頃歲賊瑾陰懷異志挫辱言官實之極典以稱制人使不敢發其奸惡卒之亂禍相尋幾危社稷可懼也今瑾誅矣然羣盜未平灾異迭見雖夙夜憂皇攷求言猶恐不及柰何復有此舉動哉其言懇切宛致明竟以是得釋

武皇帝好禁中馳馬射獵嘗墮馬病諫者數人重得罪公聞之謂同列曰彼不以諫名且爾吾何所委乎遂切諫曰孟子言從獸无厭謂之荒老聃曰馳騁田獵令人心狂心狂志荒何事不忘皆甚言无益有害也且備不虞猶惧有患柰何乘危冒險輕萬乘之尊乎况皇嗣未誕萬一

不諱如 宗廟社稷何臣欲以一言悟 陛下雖獲罪以
死无悔也 疏上罰止削俸自此兩疏入人愈重之自巡按
鳳陽補徽即能以簡朴為政比杭適 武皇帝南巡使符
絡繹在道道必出杭諸郡縣皆坐困而公无假借杭民又
稱便自如杭徽人泣送如父已而復徽徽喜其未杭病其
去及為憲副杭私喜猶夫徽徽之慕加於昔也 公在海道
倭人進貢寧波城下誤傷居民事旋定公且去為叅政擢
右轄當道責其失策竟坐罷公性至孝善事繼母廖在杭
屢乞終養不許及去官垂老矣聞廖怒即長跪闥外不命
之起不敢起廖卒哭奠三年不以病廢家居絕泛交无公

府之謁臬袍蔬食儉以終其身又嘗考靖難諸君逸事人為之傳於乎昔之侃而直者出於性成亦有所慕乎公生正統丙戌 日月沒嘉靖辛丑七月 日年七十有六沒之明年徽人都御史汪公玄錫追慕之致祠而碑其墓提學憲副蘇公佑檄有司歲時禮于鄉賢祠中公娶胡氏贈孺人繼吳氏封孺人皆无子一女適太學生李一德同居兄弟之子為公後者某以某年月日塋公水東某山蒲臺公墓次癸卯一德奉尊君僉憲公所為狀來徵銘於乎公之疏傳矣吾何愛于辭銘曰

繫古有諍天子是憑自彼愜人乃以禍懲持顛扶危彼相

有覲邦之司直在公其選一言為智矧惟其多衷如莫聞
國將謂何不遠厥猷亦識斯故公寧无歸胡是弗悟于牧
于藩考素之履世云不死豈必孫子孰全于默孰毀于剛
无迷厥方尚卜公藏

浙江圖書館



浙江圖書館

浙江右布政使王公傳

公諱尚綱字錦夫邳縣人也弘治十五年進士除兵部職
方司主事明年罹父憂正德三年調吏部稽勲四年陞驗
封員外郎尋遷稽勲郎中尚綱在郎署清明藻鑒臧否
人物賢者不得以私而奪其美不肖者亦不得以私而益
其能其大有裨於銓衡類若此七年補山西布政司左叅政
尚綱以大母李母聶俱垂老不能迎養乃引疾還十三年以
原官調四川尚綱封還部檄不起安慶衡門以明退素俯
視囂世一塵不營時乘驢出游扈澗蒼山或及暮而返或
數日乃歸人亦不之異亦莫之知也又開渴睡洞以澄清

神思構馬牛亭以遣除世慮築讀書堂以尚友古人游心
於天地萬物之表而莫之與競也尚綱歸十有七年其知
而薦者累二十餘疏嘉靖初上搜訪遺逸復除陝西左
叅政尚綱不得已而往再遷浙江布政使逾年卒於官年
五十四有集十二卷刻於家尚綱既卒撫按乃建祠於蒼
山之麓以祀之子同海州知州

論曰余聞蒼谷公貞孝恬退之志老而不渝鄙人至今猶
誦其德及覽遺文益信嗟乎古所謂鄉先生沒而祭于社
者其斯人歟其斯人歟

湖廣左布政使水厓彭先生墓銘

昔孔子言必稱丘明比老彭至乎中行而不明得則深有
取於狂狷何其慕者遠而就者恕欵蓋見世之日下而悲
人之難言也故曰一國之善士斯友一國之善士嗚呼孔
孟之時且若此又况百世而不能有所立者哉孔孟之時
厓先生猶幸其見而深悲其亡也先生者今之剛介人也
其銳於有為頗近於狂而所守則甚狷嗚呼可易得哉先
生姓彭諱杰字景俊吉水瀧江人世出五代刺史玠後曾
祖鈞睢寧縣教諭以幼子教推 恩封翰林院修撰父占
以先生推 恩封南京刑部主事母林氏贈安人繼母李

氏封安人教天順甲申賜進士及第一人名行重一時
先生與從弟叅政桓少同學穎敏強記人奇之號為二彭
弘治己酉舉鄉試庚戌進士出身第四人壬子授南京刑
部浙江清吏司主事陞雲南廣東二司員外郎庚用尚書
戴珮薦陞兗州知府未幾以繼母憂去乙丑起復補廣平
府調真定戊辰漫丁父憂癸酉起復補順德乙亥用兵部
尚書彭澤薦陞四川左叅政以平夷功陞按察使辛巳春
陞雲南右布政使是冬轉湖廣左布政使癸未以引年致
仕先生學有師承多讀書為文章汪洋恣肆而準義理常
負大志以為天下事無不可為者故入仕三十四年所在

必稱其官多於難能者談笑舉之而氣不能下人亦竟以
此屈抑不能大顯初釋褐為刑部取案牘繙閱數日笑曰
刑名止若是乎於是操斷即踰老吏以為治獄當得人情
而不可拘於律今當先權要而不可過求於寡弱凡所奏
讞雖隆貴子弟无所違避人竟莫有難者及為知府文案
山積手自批卷吏胥拱手无敢舞文而所屬州縣皆得別
其賢否得以已意為治大率主於愛民而不取其文法四
川一十八寨夔夷叛先生以叅政督餉出險道師賴以捷
歸至叙州宣慰使冉儀所部妄有所掠按察僉事郭公廉
其首筮之倖部下彭諫且叛城門晝閉先生適至行其營

呼僂曰君與吾非征僂夷來乎柰何復以身家效僂夷僂
感悟復為畫計謝郭得全軍歸初僂夷為人挾誘頗悔禍
先生欲撫定之而議者貪功遂致用兵士卒死者十六七
乃得小捷當道始多先生事聞朝廷特賜白金文綺他皆
僅免罪而已故事土官父老子代者必納賄諸司始得請
緣是土官狎諸司征調輒為无狀播州宣慰使楊斌病請
代而賂不至數年為諸司所格先生至即奏代以金謝不
受涕泣持去其為雲南司鹽法在湖廣宗室甚繁歲入祿
米多羨餘二者人咸藉以自利先生一無所染而下州所
產丹砂蛇艾諸物當有道物色者既不之應或詬詈之其

心以為吾之自處若此則亦以此望之人人而或以為簡
元或以為矯激於是忌者始衆矣澤既薦先生為四川忌
者日起又外官朝近有引羊例而先生年且六十有六是
時忌者既幸得間又惡澤侵已權竟予致仕以歸之日
人咸寃之而先生之意洒如也方在郡時每發憤輒為詩
見志傳者愛其詞多為悲賞然是時忌者素以文字號相
知乃獨乘間若此豈亦忌其文耶劉瑾用事威震中外畿
內郡邑皆歲有所獻先生為廣平止具二帊瑾笑曰是非
清若太守即飯其使遣之雲南黔國公沐紹勛禮絕方岳
先生與分庭相抗武定侯郭勛鎮湖廣肆武斷二司不敢

馳中道行先生強其門以入二人者竟亦无所報夫能行
於逆閹武夫而不能使故交之无忌心則是勢利奪之也
先生澹於勢利故絕識非人所及每每軒輊孫吳排斥佛
老拔識名士嬰犯避諱而无畏沮蓋其所追步者皆古之
人而不取必於衆故也少嘗思范文正義田恨不能償每
割產分俸以自效家居貧薄絕跡公府處隣里親友不異
儒生性喜飲必擇酒必引滿醉則掀髯高論若无與
伍冬月能飲水數升經年不浴身无垢穢往在南京仙人
尹逢頭常來乞食每假宿戲語他貴人邀之即不去先生
年至八十有五強壯不衰人遂以為得仙一日偶病酒檢

遊仙詩日自默誦已而索修真書忽不能視遂瞑目寢家
人驚問曰有分付否先生曰分付何用又問曰心明白否
瞠目應曰比汝更明有頃遂逝嗚呼其所立如此何假於
仙術哉先生家居同邑有東川羅公先考雙泉公數人十
餘年不一相問訊然心許可事砥礪各以古人自期待數
年以未相繼淪落而士風亦隨以變相彈以勢相援以利
使後生小子爭為交游嫵媚以資衣食而莫知其流之所
極談古人行事不以為迂濶則以為背時不適於用有志
者為之皇惑而無所取裁則洪先所為悲者豈独先生一
身哉先生生天順戊寅正月十日卒嘉靖壬寅二月十二

日初娶泰和鍾埠袁氏貴璋女封安人生子昫再娶南京
 傅氏金吾衛鎮撫安生^女子暄娶湖廣潛日張氏蜀府審理
 時選女生子晟天女二適錢蕩徐有年孫男五垣圻堦城
 堵垣堦堦皆府學生堦為叅政桓後孫女一適泰和梅山
 曾桐曾孫男七元錫元鑑元鍊元鉅元奎元鎬曾孫女四
 昫等以壬寅十一月八日塋先生于所居之近大山之陽
 中向託洪先為銘嗚呼知先生者鮮矣可無銘：曰
 瀧之水其流如頽瀧之厓其石崔：神物之潛兮孰測其
 去來或見而躍胡然而權噫噫大山天之所培其氣為雲
 為雲為雷被于八垓茲惟先生哉

左布政使黃公

胡直撰

黃昭道字文顯平江人生有異質出就外傳疑重不與群
兒伍人竒之咸謂黃氏有子矣登弘治己未進士筮仕山
東長山令其民悍梗素號難治昭道下車盡心按戢鋤剔
其蠹弊拊摩其凋瘵政令一新豪滑斂避歲大蝗愈捕愈
熾昭道憂之默禱於神曰歆下蝗必得雹去蝗必得雨俄
而雨雹交作蝗亦隨滅人以為異宋范文正公幼讀書長
白山昭道為建詞祀之想像塑像乃酷似其家廟者終三
載銓司以昭道賢能徵擢為南京陝西道監察御史時逆
璫瑾等擅權號入黨昭道上章論劾引趙高仇士良為戒

瑾怒 勅下南京守備官杖三十除名久而積血于踵遂

成跛躄庚午瑾伏誅癸酉擢廣西按察司僉事尋丁外艱

乙亥起復以舊敕補江西時宸濠父蓄逆謀招納亡命行

遣劫掠彭蠡湖等處為地方患昭道捕獲百人訊讞成獄

其所俘獲亦數百人悉釋之雖取怒宸濠禍出不測弗計

也無何丁內艱戊寅起復補山東踰年奉勅轉海道兵備

副使海寇不時哨聚昭道分遣哨兵設策剿捕濱海晏然

屢蒙 欵賞囑郡多寃獄歲久未決昭道按屬悉平之全

活者衆壬午擢雲南左叅政時本邦孟密緬甸讐殺已數

十年矣先是府官往輒以人馬萬餘擁前後群蠻驚疑竟

莫能撫僉謂昭道曰夷狄相攻乃中國之利今撫之既
弗服殺之乃弗勝計將安出昭道嘆曰本邦諸夷皆國
家臣子性雖犢戾豈無人心哉若以誠心公道處之則無
不服矣何以殺為言者慚竦頃緬甸告急昭道主議但以
數騎往渠遣人輦壺以迎入其地諭以利害待以誠信前
後事情悉為處斷皆誓服懽聲遠聞且貢方物如往歲事
竣分管安晉道方月餘尋甸報劇賊安銓款殺守奪印甚
急昭道即日整兵兼程而進賊聞昭道至即釋守還印遁
去旋拜本司右布政使尋轉本司左布政使時昭道久勞
邊務先年足疾至是履作遂告病歸辛丑三月昭道素無

他疾偶病肺旬日忽索紙筆書曰老夫塵世七十四年茲

以疾於三月初吉大歸中書諸官履歷及家計為詳遂成

小帙字畫清勁無異平時衣冠儼然而逝見者咸以為仙

今觀所上章疏其奏懲請托以光 新政有曰臣等切惟

朝廷用人有限人之欲心無窮苟不持之以公斷之以法

則公正路塞邪枉門開市寵以希恩矜勞以求進者更相

援引傳乞日多而國事非也且今之傳乞即唐之斜封宋

之內降皆季世之事也 聖明之世庶政維新豈宜有此

邇者太監高鳳辭免陞賞要姪高得林任用題奉 欵依

高得林錦衣衛堂上管事遠邇喧傳無不駭愕且銓選人

材 祖宗自有定法若武職之進兵部之司也今不由於
兵部則 祖宗銓選之法高得林壞之矣節奉 先帝聖
旨今後錦衣衛堂上員缺還着兵部照例從公推舉欵此
今乃由于請托則先帝推舉之法又高得林壞之矣欵奉
詔條并節奉 欵依內事理傳之官員盡行查革今查革
未已而傳乞隨之則今日 陛下之法又高得林壞之矣
銓選推舉與查革傳乞之法可以行之萬世而無弊者也
陛下私昵一人壞此萬世之法陛下何見哉伏望 陛下
以宗社為念以 祖宗為法不牽於近習不憚於改過特
發 英斷收回 成命將高得林革去管事仍究其贖緣

之罪是後敢有復蹈前非者聽所司執奏科道糾劾將干
請之人重實於法如此則號令肅清紀綱振舉小人安分
於私室請托不行於公家忠賢由之增氣群小由之革心
信萬年太平之業實基於此矣其奏竭愚衷以申至計有
曰臣等嘗聞有天下 國家者患有忠謹之言弗得上
聞則雖有危亡之事而不自知故臣能諍於君 能少知
悔悟必不安其危而利其灾又何禍亂之有臣等歷觀自
古奸邪欲擅主權必先蠹惑其心而臨亂之君亦皆自賢
其臣若秦趙高語二世以嚴法肆志悉耳目之所好齊和
士聞說其主以無自動約且及少壯極意為樂唐仇士良

教其黨以 天子慎勿使之讀書親近儒生彼見前代興
亡心知憂懼則吾輩疏出矣卒之趙高亂秦士聞亂齊士
良亂唐使三君者能用忠言必無此患仰惟 皇上英睿夙
成仁孝兼備光膺寶命庶政維新天下方仰治平之澤未
幾寵渥用事顛覆典刑陰援太監馬永成等蒙蔽導從狎
昵群小魏彬劉瑾傳興羅祥谷大用之流遊宴無度出入
靡常以致上千天象災異迭見聲聞流布遠近寒心臣等
屢有論列但以 天高聽遠人微言輕未蒙 省覽亦由
群小佞諛 陛下必謂 宮中遊樂何害政治何關理亂
此正士開筆所以欺其君者乃者雷震西中門及天地壇

是上天示戒至尊至近之人也彗見紫微垣乃惡氣所
生除旧布新之象又紫微為帝座天意若曰君側有小人
當除去也方今夏秋亢旱自南京至鳳陽上抵荆襄南及
江浙而蘇常鎮江又遭用兵之後數千里內禾穀不登米
價騰貴泉脈斷絕買水給日財賦之區公私匱乏民物蕭
條京城內外盜賊充斥夫民窮盜起邦國必危理勢自然
天時人事如此正陛下宵衣旰食之時安可輕身縱欲
船樂怠傲哉伏望念上天眷命之難謀祖宗締造之
不易民心歸服無常因事之驚側身修行防微杜漸臣等
此疏 特勅內閣部院科道官會同司禮監通查僻倖馬

永成等悉行屏斥以絕禍本仍保養聖躬勵精國治委任大臣務學親賢庶幾禍亂不作災異可彌實生靈之福无彊之休也

浙江圖書館



浙江圖書館

業旁及古文辭十六試於邑邑令黃公光昇大奇之謂是
兕國噐也尋浙邑庠為諸生亡何舉鄉薦遂進游南太學
益為古文辭公皙美姿容眉目如畫能食酒工諧笑所周
旋亡非賢豪長者以故籍籍公車間凡十年而成進士授
刑部廣東司主事公既以文辭有聲實而尚書為顧公應
祥其外勇行也甚賞異之間謂曰即所業足自名必欲舍
而趣古者則毋若他曹即李攀龍又謂不佞世貞雖少亦
其次也公自是交懽吾兩人而同年中若梁有譽宗臣吳
國倫咸來相劇切公遂取舊草悉焚之而自是詩外開元
而上文非東西京而上毋述矣而會即楊繼盛者上書劾

相嚴論死猶在繫公時時橐餽食之間一入相慰語慷慨
歔泣數行下楊君謂公毋入且生得失生得失相嚴
當舍我而與若讐也公不顧而太宰李公黜雅能知公文
擬入內閣司兩制不果給事御史缺擬以曹郎徙公名在
弟三復不果而公念父母老上疏乞南曹便養報聞會決
江北辟便道歸省尋廷負外郎事竣還

朝轉貴州司郎中時楊君已得死喪歸公解橐而追賻之
相嚴迺伺諸嘗賻君者而太宰復中蜚語下法曹當公
讞公相麗輕辟詔不許公恒自念太宰知我我以法報且
不可而乃不獲以法報我之自謂何然相嚴則益不憚公

吳公尋使論江南獄大小悉以情所全活以數百許事未
竣出知汀州府公至而廣寇蕭五擁萬衆猝來寇郭外男
女爭避入城城者闔之有相蹈籍死者公亟戒勿闔而身
坐闈前引絙別塗俾男循左女循右入弟令遠斥堠而已
諸縣令各受公教飭兵登陴賊不能破行圍指揮董璣壘
係累男女數百公以一旅解之盡歿其俘歸公笑賊且走
走必繇高吳道俾武平令徐甫宰伏兵徼破之擒其酋尋
推功徐令不自居公又笑山海寇無已時而三圖當安衝
議城之以一通判控治得報可自是寇益解散汀一切治
而公入計甫卑而丁封刑部公憂治喪以毀瘠聞起補汝

寧府其治如汀時 伊王負

上寵創築城垣及諸不法事甚夥公當往會勘人竊危公
是不易柝也公緩頰數語利害王悚聽立毀垣及省諸不
法大滑中通判何君以法何君義不變逮雉經死而猾踞
橫自若公為捕致於李汝人快之公兩治郡悉能平其賊
且格它橫賦而其治本經術稍傳比以禮節在汀祠故死
事指揮王月糶故孝子丘文岐子在岐築天中臺別立何
仲默祠暇則行學宮課授弟子文誼旌賞其卓然者當京
京朝大察吏公前以遷後察格不當後察而相嚴尚在政
察及公當左遷士民擁車遮道觴公且哭且絮語浹日不

得發始公笑東郭河善崩築隄障之未就而聞報曰吾不
敢以不終事也隄成而後辭事其以汀守覲垂發泣謂巡
臬曰守嘗欲城右郭捍巨測矣鑿河以紆兩汀水之會而
殺其反與射以完城形勝矣而皆絀於力未舉即以不職
謝汀人而茲願之未塞也明公其有以喻來者其後楊守
世芳城右郭金守立慶鑿河皆具如公指以故兩郡人思
之為立碑而曹司空享汪司馬道昆紀其事公歸旦夕奉
毋許安人怡怡如也有兩兄而伯中享蚤逝子其子詠養
而教之仲中和貧推與己田宅中外姻戚恃而舉火者恒
數十人公性好客客時時滿座所恨惟壘耻饌食取咄嗟

辦而不問所自來其童幹亦喜客之至而娛之異以得自
紓即稍能綴韻語或操一藝者問公衣則衣問公食則食
問公所噓薦則為草薦書或數十函不倦公以是益困而
夫夫人從容謂公曰汝不念來日耶而不為祿且

上英斷正臣新柄國不以時白見寃狀勉圖功名自劾而
刺促一屢茗水上也公感乃之吏部選甫六日得長蘆之
轉運判官為判官之三月遷瑞州府同知許安人老壽死
其訃與除日薄至公奔歸慟欲絕念無以報地下因請李
攀龍銘其墓而世貞傳之時少師徐公與太宰胡公內重
公超為山東按察僉事且欲進移公學職會以喪聞乃止

服除補湖廣巡武昌武昌首道也隳棗積妾克宇公精心
剖之立洗陳氏之寃後曰柯彩鳳者負湖為盜舟數公掩
而斃之獄搜其積粟藏鏹以賑飢人所活殆萬計江南北
窘於渡公為立值責渡子母橫索有溺者官具棺瘞之溺
而不報則以罪其地人黃鶴樓燬公計以廢殿材新之而
闕梁棟尋江漲大木隨水而下者數株以樹樓及郡之薦
紳大夫縞而几哭其吏士巷哭其耆孀孺擁而野哭道所
經守令師生亡弗祀也公之客及交游滿天下聞者亡弗
嗚咽悲詫曰公柰何死公且無子已而曰公可以死矣即
無子有子矣蓋謂其德就名樹也公孝友敦睦寬然長者

其舌有臧而無舌輕財好施不為帑藏汎愛親仁久而彌
薦所莊事李攀龍蓋不敢以友進者終身矣吾曹若宗臣
梁有譽蚤死李攀龍高簡少延納國倫與世貞性復脫踈
即操觚者思甘心焉而於公靡間言以故得醍醐稱一曰
國老和而甘且善劑也公於詩格高而調逸近體宏麗悲
壯讀之神聳文趣步古昔所立卓爾有青蘿館集續集若
千卷天目山堂前集若干卷青蘿館集則汪司馬序之矣
公卒以萬曆戊寅十月十三日距其生正德丁丑得壽六
十有二配楊安人有二女長適候選經歷周文政次適太
學生蔡鼎鉉學一子而殤所子詠為獨子當歸後兄乃以

詠第三子承孝為殤復承公重嗟哉公始號龍灣更號天
目山人葬在城東之里許高橋下世貞念無以效公為伐
石勒辭而樹諸阡以示永永

銘曰公生有自出有為也君子豹變其文蔚也歿而良稱
楚人異之積資為雲南布政司左叅議寒暑毋間行部出
則用什伍法練士入則緩帶延儒生講說紀文彬彬矣以
賀萬壽行悉留其携書數千卷寘公庫遷福建按察副使
遂為其省右叅政有黠而蠹於倉者凡七十家公廉得之
以輕重受譴自是軍食足毋因出納逾年進按察使公三
治其省政益習歲時讞決寢平而城西有積水百頃一山

踞之公乃捐俸入創亭榭勝處治堤植桃李輕橈徐進與
寮從稱觴賦詩閩人指謂使君何必臧山荆州哉監者試
所得多名士人錄文有傳者入覲畢遷江西右布政使右
使於務簡往往高卧而公獨以精勤稱尋遷左布政使司
領郡至十餘所綰三王國子侯而下祿食供億以千萬計
而它所請贖平亭綜覈頃刻不端造請臺使賓筵館餉無
虛日公有閱者爰發其陰私事公思所以保全之不得忽
眩不能語昇歸卧正寢中夜卒其案若右使張公輦既而
敕公弗及也中丞劉公行視公貧弗能喪乃與張公謀損
帑金治美材殮之而余弟世懋方分部南康驚而奔以一

日夜至力為經紀其道路費始得歸公之喪歸也諸王子
候與其寮若屬有歸茲其委蛻也誰欵樹碑俾勿替也四
海之內皆兄弟也徼言之存後天墜也夫人苟自有美系
也

浙江圖書

浙江圖書館



浙江圖書館



明資政大夫四川布政司左布政使一菴陶公墓誌

銘

嗚呼予忍銘陶公墓即予言陶公事未嘗不酸鼻撫膺仰
天而飲泣也即予弗忍銘則知陶公無若予者嗟乎傷哉
予從仕數年見今時士大夫因循良長者然唯忍暴亢
瘠民以自厚者不鮮也亦多踳歷華要享其天年丙子孫
象利數世乃陶公較之者差矣顧其年不甚壽妻子剝絕
靡芘芘遺焉天之報善人何徵哉公名照字時明稱一菴
于其先宦事宋十六世祖以將仕郎扈蹕南渡九傳至菊
隱君始定居秀水之鴈湖人稱鴈湖陶云菊隱君且歿戒

子孫弗為元官於是子孫業農者終元之世曾大父鈺大
父濟父松母張氏敬皇帝時公才年二十餘與兄煦同舉
於鄉繼又同舉于春官于是人又稱鴈湖二役云公始拜
都水主事以母憂起改刑部錄囚蘇滋蘇滋者嘉梅壤也
親戚賓客交通焉人為公難之公至通如平生乃有犯悉
寘之法曰吾公私弗渚也未幾出為廣東僉事廣東故多
蠻搖豪滑時大盜唐大髻者起惠潮梁閏琛者起清遠皆
號萬人公察土兵陳朝亮者才也乃召朝亮入授以進止
暴糧逮捕不煩帑藏廣中悉定戊辰以父憂起改湖廣唐
午拜四川參議時藍鄙作亂蜀人驚擾先是公過新都新

都者道衡而無城公慮無守即日命城之城畢而寇至人
賴以安竟以平鄆功授從三品俸加賜金綺壬申以副使
兵備威茂威茂古羗夷也邊郡瘠耗而守臣徐叅將者性
執焉酷日鞭撻軍吏於是羗夷聚數萬衆謀奪叅將公單騎
出撫諭以威福衆泣拜解散然猶忿忿于叅將公乃繩其
部下以懾羗夷心而叅將者竟快快弗平于公誣公致變
議者莫能明公亦自薄其官遂居疾鴈湖之上者數年庚
辰復官河南時制河南以憲臣監小灘免免常不足徃徃
取足於官歲不下數萬金又總部京儲者率逾年不完責
償民間幾亦數萬習弊滋甚公所至立規畫錦簿書抑豪

右節浮靡秋毫無犯公私廉裕焉乙酉陞南
右布政尋陞四川左布政先是為雲南時有盜稱大眼者鳩衆橫行
嶠峨間阻險深入歲不能下公至即平定之于是 詔復
賜金綺公性介介簡勅言不出口未嘗面可否人至所歷
乃表表以武功見相士失外寧有既哉在四川以繼母憂
去又二年遭讒罷官家居數十年迄無怨語嘗謂人曰布
政縮司錢穀謗翕翕者起人眩廉自飭而于徐弗以外皦
常當逆瑾時人有官不患不能顯而吾優游舊僚要之無
疚耳與鄉人處油油煦和無問賢不肖善根施扶人賻賈
其死喪人咸德之平生無怒容雖臺輿臧獲弗嚴斥也配

梅氏繼朱氏先公半年卒子男培戶二月夭死今俱在殯
初公以培諫姻于予也朱夫人卒予往吊焉適公病亟予
就視于閨中公視予曰嗟乎天固以予子湑先生也繼又
曰予內子死妾劉者和而婉劉保其內先生禦其外培猶
有父若母也予敬諾時甲午九月十日耳越六日公竟卒
止年六十有七予培矣以病瘧嗟乎傷哉天之降禍于陶
寧有紀也欲殲其子先奪之母為覆其身斬于其宗焉一
歲而三喪會並發俱定時所鮮遇鬼神者寧有知否也予
言之予不知涕之無從也已公存時以猶子里為嗣女四
長贅壻舉人吳超治命偕里紹其家次歸常德乎陸邨次

捐揮項元淳次沈茂元墓在秀水思賢鄉里君超以丙申
歲冬閏十二月二十二日襄事朱夫子培會塋銘曰陶氏
英英代有令人在宋允熾于元費賓公振厥聲載德懿文
弗泯于浴遵彼先民善積罔祐爰遺者數木披其心樛枝
則附奕奕新阡松栢丸丸有隆双立覆彼三棺

浙江

福建等處承宣布政使司左布政使東潭蕭公墓表
是為福建左布政東潭蕭公之墓在墨潭將軍山先墓之
原其系出螺陂宋侍郎定基之族侍郎政事得荆公之文
而益傳後侍郎數百年而有公其別歷中外與侍郎正相
等而政事所施有古良吏所未嘗者即無荆公墓上之石
其可虛乎自公起進士為南京刑部廣西清吏司主事三
年以承德郎進山西司署員外郎未幾即真為奉直大夫
轉郎中以薦出為岳州知府失上官意調瓊州歷中憲大
夫廣西按察副使右江兵備廣東布政使司右叅政按察
使福建右布政使尋轉左三年上疏乞骸骨遂致仕近世

即署被薦即不補郡守郡守惟瓊州多不迂而又以他調
來者必不得藩臬為藩長積資二十七年無有訾議即當
次九卿又孰肯自致其仕以去現公進退若此其政事大
畧見矣在刑部時以持法律忤近貴有聲故闕佛保謫死
快禁物賞無所屬而大者徐美發其狀大闕高隆者思沒
入之公得狀密遣還者達美以賞物至封識于官高聞之
怒使人來曰若為郎中侵司禮監職事何也連返我不者
我且論奏若不顧官爵耶公不應高言之尚書尚書直郎
中高益不勝忿上疏誣公待理久之不得白會考察京朝
官高復以浮言中傷賴尚書力救乃免又歲餘遷書尚改

北京都御史始上章白其寃而公以无事當是時使公為
模稜語即不及禍或畏禍見幾微亦不為尚書所庇尚書
者如魚李公承勛蓋名人也公既為李所知又數言之
于朝顧得岳州以行岳當孔道困于供張公至一切罷
損而日斲斲民事常德牒逸盜十二人截華容屬公踪跡
既至獄未及訊而十二人者干鄉貴飲公求貸公不知也
或洩於公公笑而不荅明日出十二人於庭曉之曰汝怖
死求貸于某乎使汝實為盜吾豈以一飲廢法使汝實不
為盜吾亦不以一飲自嫌故有出入汝慎无受誑也已而
迄无左驗列其狀上下尽釋之公治獄用情不以喜怒輕

重手无深文微名大吏抵皆此類也公為岳州勤苦笑而
巡撫都御史者以私怨啣公索垢不得則第以為儒緩不
宜于岳改知瓊州至瓊值黎佛二之變往歲瓊人利黎田
而惧其逼聚兵護耕歲四更番卒五百人兵寄溪峒半疫
死而黎數出攻劫莫制至是佛二殺官吏虜村堡勢張甚
督府欲以大兵蹙之公曰虜係未歸而急之是促其死也
吾且覘之兵而携其黨庶可圖乎乃遣人招降十八村至
則厚其饋勞善諭之察其尤雄桀者培與衣物寄心腹語
令歸所虜生口別授方畧密擒佛二以自放佛二素雄桀
手挽疆三百斤人莫敢近降者既受戒慮賊逸无以解口

乃陰導官兵設伏諸隘而身給佛二以走俟稍倦分負其
刃弩諸械啖走隘至則伏發因成擒二既得以大兵綴之
諸酋恐奉約束輸稅者四百餘戶歲省防兵二千計活疫
死者幾百人永淳令激淥里賊為變且薄賓州公在右江
以兵請於督府不聽因自計曰此新之戎者也既謀其虛
實出沒而是時思思土兵適罷古田之役遂檄以從更擒
他兵佐之據險深索殲潘公廣常公枹等一百七十有奇
俘老幼六百藉所捕獲給軍餉而出其羨以報督府督府
口雖壯之實嫌其異已不以捷聞公在瓊擒佛二无所叙
至是復見沮抑一不為意且欲乘勝以兵臨八寨招藍昇

降八寨本南丹屯地為徭所據 朝廷分隸土酋羈縻之
然恃險遠數出為患至是藍昇聞淶里之捷自懼禍及因
請內附當事特勦撫守三說不能決公上議以為受其降
而襲之兵威贖而疑衆信其降而忘為備法弛而貽悔先
以撫守二說俟有他變徐制其後可也於是納其請以屬
思恩密建屯砦遣官列戍梗其出入而右江漸以无事陽
明王公田州之役既降府為州慮岑猛嫡孫芝幼不可立
立立其季子邦相為判官頭目盧蘇為土巡檢統其衆邦
相忌芝為後患而蘇素驍悍利立幼且樹黨思兩除之蘇
覺噬芝母携孤走軍門爭立而自与邦相拒既殺邦相

迎立芝諸土酋與猛戾子邦佐乘釁構亂朝議令土酋自
相擒治而督府先有所入陰為蘇掩罪蘇益橫常以兵衛
六千人声言見巡按賓州營城下御史引病不出諸司倉
卒噤口公曰蘇罪人也何敢通遣千戶持符逮蘇：惧退
營十五里囚首隨符來公辞色俱厲宣朝廷威令：自計
蘇益恐怖請輸逋賊斬首虜自贖至叩首乞死久乃許之
因勒獄辞列罪状停各酋官職為請命于 朝督府不能
奪是時議者以獯獪难制欲割隸土酋以其積威可劫又
自保分地无外望可恃為安公執不可且謂之曰朝廷以
流官制獯非不知其勢輕也亦欲用夏蛮夷不忍化為異

類也今八寨固屬土酋未常不叛而田州用兵富貴安保
吾豈不能斥疆土而願以藉寇兵乎議者始誣先生岑璿
以思恩叛朝廷既誅璿更置守而璿之餘孽金者潛他境
至是諸故酋挾以邀我擁衆二千人南寧城下沈叅將希
樣慮為變召以好語款之俾未見公公令候於賓州而密
語沈曰金在則無思思无思思則廣右必危此不可不除
也且其腹心楊留在賓州為募兵已往附金、來而自應
之是尚有賓州乎今日之事在我与公、贍智而達變吾
所不逮所命无避也沈知无他賜乃与公計款徐徐以他
故遣散金衆而後圖之公至賓州犒金牛五軛、載酒五

聖就給之金大喜沈給之曰汝欲得官胡不納我與兵備
公金乎金許貧則納帖子為証沈復謂曰如兵備公何金
日聞兵備公素不受錢小人不敵沈欲堅其意則以目瞬
之曰第以帖以來沈納于公公笑而密焚之亦更以好語
時：款金間出漫語相調金既伏公不疑會御史巡柳沈
與公說金相隨而沈卒擒金柳即又以殺金為留功而謬
賞以張之留愧見給又恐為諸故酋所圍旋憂病死此事
載唐荊州所為沈紫江戰功序中序中功多歸沈故公語
不盡載然非公沈故不能獨任也公常以兩事忤督府似
少慙其與沈圖金机發圍轉意授聲應又若甚敏捷者是

豈儒緩者耶為廣藩臬議加賦決疑獄所執者尤衆公平
生喜誦胡文定教子書故其為人一主於恂謹焉茂輿服
寢食競：如寒素而當官行法不敢失於尺寸以徇人至
論人必取其長而諱其所短少時為里中惡少所凌幾不
免比貴以衆人遇之无所修怨兒子輩聞其事間以標公
絕口不言為誰氏也公年六十有七素無疾卒之日殊整
暇三子輅為縣諸生軾登進士令仁和輟舉鄉試皆能世
其家學蕭氏在螺陂以進士起者先後相望而位登大僚
至公纔兩人侍郎以政事愛知仁宗而公為布政使軾引
年不及其用意者有所待歛墓去螺陂四十里而近公之

處家虽細行鄉人莫不知之至其政事有士大夫不尽聞者故書其槩鑄之石俾將來者得踵承焉

浙江圖書館



浙江圖書館

福建等處承宣布政使司左布政質菴范公墓誌銘

質菴范公之歿也其子舉人永宇兄弟自桂陽寓書金陵
曰往年字母何孺人歿涇野子旣銘之石矣茲父之銘諒
亦不靳乎并以前郎中閩人林炫狀來予嘆曰嗚呼質菴
公乃未究其志而止此邪按狀公諱輅字以載別號質菴
初號遠谷子再號三峰郴州桂陽縣某里人也生有異質
長益英邁登正德辛未進士筮仕行人是時諸所差遣多
徇于謁而職司其居者顧或不與君即上封事引明前典
至以冗員自讓侵官諷人於是使事復舊風采懋著常使

蘭州再使崇府皆禮成即返無所滯染冢宰遂菴楊公稱
其學議氣節度越等夷甲戌選授南臺理刑明年授雲南
道監察御史首言建儲以安宗社謂先帝御極榮王留侍
宦瑾亂法致之去京今當妙選宗室備儲貳位俟有青宮
然後分茅至引宋韓琦懷孔光傳以上仁宗而其馳騁騎
射服習戎陣不御深宮孤立可畏諸語聞者縮舌是時軍
官簡文王忠佑勢凌辱監臨主事至極殺其隸人太監黎
安邁隙寧淮二府至折撻其長史南京守備劉瑯貪婪暴
虐至令都人罵市切齒刑曹郎中聽富民折產之訟至受
寡婦之金而徇私公皆歷疏指劾乞正大法南都稱快其

論納馬姬事比擬過直尤人所不敢言者也丙子冬奉勅
清理江西時逆濠霄燄方熾有勸公避難者公引埋輪事
以行至未數旬即論濠優秦崇僭侈居如王宮繼論濠令
三司朝服慶賀茂乘典禮乃又劾太監畢真附醜仇正贖
貨無厭都指揮郭宇傳泄諸司消息罪狀重多且請武
廟或出郊原嚴警蹕敦扈從以防不虞當其風采人或比
范滂云然真宇皆濠黨也濠真使人逗留公奏各先誣奏
各先誣奏公離間骨肉誹謗宗藩公巡歷至贛被肯拏解
擊獄拷掠幾斃值聖駕北狩縲維七月後送法司議罪復
值聖駕南巡又淹繫經年始謫龍州宣撫司經歷爾乃修

崇禮信均平賦役又使知送死之道以感化四夷未幾逆
濠及真瑯相繼以致誅論者謂公有曲突徒薪之功交薦
十餘疏卒已今上登極詔復原職送者填道泣別名其厓
曰滴淚厓閱月即陞漳南兵備僉事四月又陞饒州兵備
副使蓋殊擢也饒州東湖盜之淵藪也公議設官兵於東
山以控制又禁遏淮府群校之盜橫乃修饒城及萬山宋
鄉二城創置安仁一城皆經畫有式出納明允而又築湖
堤以壯學宮增漏澤以掩貧甍庫皮以祛積崇威惠大行
信義昭著盜戢民安屹然一方有郡守乖禮因公面詰遂
生荆棘且常見忌鄉宦構興讒流謗布遐邇言官論列漫

及於公公卽懇疏乞歸雖撫按交留旌薦亦皆不顧未幾
一巡察使奏調公南贛以便行事公曰監司改調屬官宴
然綱紀解矣遂三疏得旨致仕饒人刊遺愛錄以傳公歸
杜門課子當路故知片札不通三年一日也已丑尚書胡
公永清薦起公密雲兵備副使尋轉本司討鑛賊有功
獲賜金帛是冬陞陝西叅政分守隴右駐劄鞏昌協勦西
蕃板兒等族再荷賜金七閱月陞福建按察使過家省
母朱夫人承勸月餘母忽遘疾不起居喪哀毀數月不食
服闋巡撫汪公珮薦公與唐公鳳儀為全楚長材乃甲午
春復起山東按察使撫按交薦秋陞浙江右布政使藩務

叢雜乃未明根衣日中退食形神頗瘁丙申陞福建左布
政使七月涖閩精神頓減歸思屢興十月二十六日遽中
風痺越三日卒於正寢嗚呼傷哉公和厚精確遇事敢為
勇不可奪事母至孝獄病中形之於詩撫孤女極厚常
携養一甥於宦所損積俸資之置家廟序刊族譜周族人
之不能婚葬者叔珏卒於金陵貧鬻其子公贖之以還又
歸其喪鄉友許君愷卒於塗疫躬為殯殮至於辟薦名賢
如恐不及雖處鄉州盜寇亦皆有策然則御史之風烈潘
臬之樹績豈偶然哉公配何氏先卒舊無妾赴山東過徐
始納一妾曰張氏公卒之五日自經以從之亦異矣乎子

男四永寰貢於鄉永宇永官相繼登名鄉舉皆嘗從予遊
永寰業儒女一適醫官郭畋孫男五時敵時敕俱邑庠增
廣生時敷時別時徹尚幼孫女六曾孫男二元默元熙公
生成化十年甲午九月十一日享年六十有三所著有質
菴稿及續稿若干卷藏于家永寰時以某年月日合葬何
孺人於某山之原是宜有銘銘曰嗟呼御史之難能也士
風之邪正世道之隆替閔焉夫彈劾其職也當其有勢恐
忤權而違時也或逡巡而避之當其無勢恐寡言而曠官
也或搜剔而論之夫薦賢其職也當其高賢恐其或拂人
也始隱忍而已之當其未賢恐其未合人也或夾帶而避

之於是豺狼恣於當路姻婭遠於撫仕士風以邪世道日
替憂國之士每切念焉范方伯之初為御史也侃侃乎其
辭也庭庭乎其正色也斷斷乎其履公也是故寧論劾劉
瑯畢真宸濠諸奸雖瀕于死而不悔而不欲以迂說浮議
之事姑以塞責而免禍寧論錄羅犯張吉王思諸賢雖寢
其報而不怨而不欲舉鑽刺營苟之人姑以示恩而徼利
得公數人布列臺省又何憂士風世道哉乃今云已傷如
之何銘此貞石千載其不磨

浙

廣東右布政使陸公行狀

戴鯨撰

公諱銓字選之別號石溪其先自唐宣公後父偁弘治癸丑進士孝廟時為御史剛直聞兩按閩魯再陞副使以子鈞賞封都御史公生而丰姿秀異穎悟絕倫經史百家言一覽輒記憶不忘長業舉子遂精思力索意見出自骨髓為文上追先秦兩漢人以為柳柳州蘇長公之徒正德丙子領鄉薦嘉靖癸未以坊魁禮闈廷試第二甲除刑部山西司主事特大禮議起公奮筆署名疏入廷杖幾絕而復甦尋推長十三司章疏法比精密敷奏詳明若繩潘潘之

不法議哈密之情罪皆舉朝所不能決者直以片辭折之而已既而改武選䟽革武弁之弊尤多戊子陞武庫員外卽是年當鄉試天子創制出內臣司外文柄公奉命往福建得僑為多轉禮部儀制郎中上方銳意禮文更新制作創四郊親籍親蚕諸議傳奉旁午時任丘李公為大宗伯織巨悉以委公公亦展罄懷抱遠稽古典近酌特制敷奏詳妥頃刻立就莫不當上心至如選九嬪初旨不許強抑以傷和氣公謂若此倘民無願者何以荅明詔因李白公先述上意附以禮部禁諭毋得規避上察知之遣中使揭榜文入隨頒白金綵幣以旌其善處資望功賞宜得右秩

適以才攝祠部圖上祭噐不先閔白內閣大忤輔臣意乃
遷福建按察添証副使實中傷也抵任益勵操持嘗攝海
道漳故賊藪而利窟也諸射利奸人多以厚貲餌監司闌
出為患公竣立禁網剗剔蠹弊卒不為諸奸餌陞河南叅
政撫民南陽值歲荐旱蝗民多流徙公勞心撫綏復業者
幾千萬人中土沿習率不修帷薄以離重禁公諄諄以禮
法訓道闔其夙錮全活甚衆他如治清河均賦役酌折納
平斗量建四說以決銀礦之義條六事以陳驛傳之宜興
利除弊惠政不可殫述陞廣西按察使時努灘徭賊候公
丁雜處胡藍二姓間相助為寇或議大舉兵盡殲之公曰

堅賊黨而分我兵且順逆難明非計之得也不若討渠首
而釋其餘戎帥是其言弩灘果平旋有鏹幣之賜時議征
安南兵書毛公秉鉞至廣右公畫征撫之策毛公多密與
定計偃戈莫彊逆酋疑服皆其力也陞隨廣東右布政使
以內艱家居服闋戒行卒實嘉靖二十一年五月十一日也

浙江

江西右布政使雍里顧公墓誌詔

潘恩

今上即位之二年為嘉靖癸未上圖維新政寤寐賢才以毗益中興之治適禮闈合天下之貢士拔其雋者四百人以薦上臨軒策問焉時雍里顧公以弱冠登高第英資貞亮器宇宏傳習藝文士林推先之說者謂應雲龍風虎之幾立鴻鉅之業於異日者其在斯人矣嗣後三十年天子興脩禮文紹明帝皇之道而公別歷藩臬間不復與從事迺又以江西右使其改歸識者有留滯之嘆蓋嘆其不大售於時與初指異也歲戊午冬伯子太學生允默至南都公以所著就正篇示余余受而讀之其篇中所載多

昔賢所未發如論格致之學原本吾心存者之功無分動
靜尤根極体要去世儒口耳見聞遠甚余復書以謝且
致屬望之愧焉未幾而公之訃音至矣吁嗟傷哉又
二年歲庚申太學君卜以某月某日塋公于邑西北巴城
村之塋廼持所自撰狀謁余請銘余與公為同年友又知
公義不可辭廼次第其語為銘公諱彥圭字武祥雍里其
別號也顧氏世居崑山為吳著姓八世祖道璋勝國時萬
戶以財雄鄉高祖良曾祖恂並累贈光祿大夫柱國少保
兼太子太傅禮部尚書武英殿大學士祖妣吳氏曾祖妣
吳氏並累贈一品夫人祖宜之封山西道監察御史祖妣

周氏贈孺人繼李氏封孺人父潛翰林庶吉士授監察
御史提督京畿學政 武廟時剛直忤倭倖失御史權後
以公貴進封中憲大夫妣龍衣氏封孺人贈恭人繼母楊氏
累封太恭人初弘治庚申元日中憲公夢神人授一碧玉
銳上方下覺而喜曰主璋之祥也是歲七月二十七日公
生因以名焉越月中憲公奉使道携公歸曾大父見而奇
之曰是兒風骨不凡必昌吾家甫五六歲即知聲偶數出
奇語驚其長老進退拱揖憂異群兒十歲善屬文十四入
邑庠十六督學張公璿校文至取剋諸生大加賞識明年
丙子舉應天鄉試鄉人以羈州登科羨異而公抑抑無喜

容有王陽明先生者講明理學公謁之請益深自刻勵業
 有志聖賢之學矣及登進士授刑部浙江司主事疏乞改
 官以便迎養改南京吏部稽勲司主事遷驗封司郎中應
 詔陳言論六事皆時政之大者內言中官鎮守之害尤剴
 切中竅得旨報罷士論韙之留都曹務頗簡與呂公仲木
 鄒公謙之諸君子講論道藝一時知名之士皆慕與之交
 嘗大雨入公署像度益恭呂公謂諸寮曰此漢之茅容也
 又嘗會飲司勲署折梅花翫之呂公曰對君如對此花其
 為善類惟讓君此滿兩考擢廣東布政司右叅議分守雷
 廉二郡郡方久旱公行部甘雨隨車庶民大悅郡倅縣令

之無良者輒繩以法屬吏震龍言奉法惟謹值朝廷下採珠
令公上疏力陳其不便畧曰南粵之瘡痍未起夫船之徵
發不訾民胡以堪且觸冒瘴霧則有疾癘之作出沒風濤
又多漂溺之患死於非命往往有之良可憫念願賜停止
以應明王慎德不寶遠物之訓疏下所司寢不報而役亦
稍緩督府陶公諧曰是撫臣也顧少叅不避禍行之吾愧
之矣尋遷江西布政司左叅議以父喪去任服闋擢山東
按察司副使視事數月憲度肅然改河南按察司副使提
督學校以變文体端士習為首務正身率物風教大行會
郊廟覃恩進階中憲大夫是年 天子謁 顯陵過汴闔

省臣寮皆出候境上獨公居守攝三司篆諸務填委酬應
咸當內外晏如擢福建布政司左叅政時公之叔祖太保
文康公在內閣先是汴寮擬公必內擢暨得報相與嘆服
謂不可及焉至閩分守延邵汀建諸郡山寇竊發以為民
害公不憚暑雨涉鳥道千餘里捕獲賊首五十餘人群黨
解散遂平權本省按察使屬吏有席權要貪濫者按覈贓
罪置之於法又富豪人主使殺人行賂抵從者罪則盡發
其奸翻易成案理冤抑緝疆禦人稱神明無何以肺疾上
疏乞歸不允擢江西右布政使復上疏固辭廼得歸公宦
輒所至清苦一疏諸凡饋贖纖介必峻卻之撫按觀風至

者數以端廉醇懿學行皆優騰諸薦剡性恬澹不規規仕
進又不能脂膏干時竟以強年解組云歸田十五年屏跡
不見達官非公事不入郡縣之庭親朋以遊晏招者辭不
赴日鍵門戶坐一齋中取所讀經史及漁洛閩閩諸儒書
深味其旨時有新得則疾書簡編或夜分忘寢見諸子學
習古文詞則諭之曰文逮韓柳詩逮李杜亦文士詩人耳
不有所謂身心之學得之則為聖為賢者乎又曰程氏有
言不學便老而衰少時漫讀之今信然矣為文一主於理
不求研字句為詩格韻逼古亦非模擬得之平生著述繹
經傳之旨則就正篇紀當代事有適言持憲恤刑有服念

錄其它海北齊梁武平還山等稿各若干卷藏于家公至
性仁孝龔恭人歿哀毀如成人貴為叅藩矣侍中憲公疾
手捧溺器親嘗湯藥日夕虔虔既事楊太恭人均以孝稱
友愛諸弟老而弭篤居常所自奉衣無文錦食無珍從空
無媵妾可謂約矣若其置義田贍宗族視義用財惟仁濟
物則雖費不惶恤也平生與人無怨惡有犯不校出於至
誠臧獲小過亦不忍加笞箠人皆頌之謂漢劉寬唐姜師
德兩公無以過也公嘗言曰內有瞽瞍外有三苗舜德愈
光君子所遇非人皆吾他山之石而何怨尤也則公之所
養可知矣戊午歲十二月二十三日考終正寢享年五十

有九配皇甫氏累封恭人子男二長即允默次允壽縣學
生女一許嫁李延實孫男一未名孫女三許嫁王雄昂秦
元建孫子均夫以公之才之德之懿究所樹立大較止此
又僅得中壽此士之所缺望而同惜焉者也然其居官守
職敦行脩辭名亦章章籍甚可傳不朽矣况有子世承經
學駸駸奮起能不隕其家声乎系之銘曰崑岡玉產函光
精公生炳灵迥絕倫少膺甲第揚芳聲大才著績汴廣閩
冀登華近策殊勲遽爾歸來數則存旁搜墳典探道真出
其緒餘文雅馴手持造化還蒼旻巴村龐碩魄以寧神
騎箕尾驅風霆海月熒熒雲氣凝泉臺孔固名常

尊百千萬祀徵余文



浙江圖書館

河南左布政使豐山孫公行狀

存
參政
柏泉胡

孫氏之先於元為萬戶七世祖有諱仁者歲甲午自濠梁
徙

太祖高皇帝下滁即郡北孤山之麓家焉以農為業仁生
子慶慶生子二日聚曰會聚代仁即戎累戰功授永平衛
百戶靖難兵起隨

成祖文皇帝渡江陞營州前衛正千戶會力田讀書好禮
鄉人稱善人云是為公高祖生子和為公會大父和生允
恭正統丁卯應天中式戊辰中乙榜銓試嘉魚縣學教諭
遷贛州府學教授以勤教聞江湖間父諱序中應天成化

癸卯武累上春官不第除福建建寧府推官性峭直不徇
輒理積訟有聲於閩生子七人公其中子也諱存字性甫
生而慧隸力學強記治朱氏易義甫冠即大成督學黃侍
御如金試其文最極加稱賞正德癸酉年二十有三領鄉
薦甲戌 賜進士出身授禮部祠祭清吏司主事已改儀
制司三年考績

武皇帝勅封建寧公如其官贈先嫡母李暨封嗣嫡黎為
孺人未幾陞本司署員外奉 命冊封趙主妃惟謹臚餽
一無所受已而丁生母李憂哀毀甚服闋仍舊官辛巳進
主客司署郎中會今上入繼大統大婚有日公上疏畧曰

夫冠者禮之大也是故古者聖王重焉肆我

太祖高皇帝稽古定制詳載大明集禮陛下龍飛潛邸萬
國式瞻今當嘉禮納后之月宜詔禮官會翰林院詳議舉
行天下幸甚

書

上嘉納之於是聲名聞廷中高麗琉球諸國教貢無度公
謂非体以白太宗伯議請仍舊俾有常絕其私覲客部例
於四方諸邊徵集諸曉夷語明習夷字人試其可發鴻臚
寺若四夷館廩餼而遷之以待四夷朝貢人文之至名通
事與譯字生然隨地廣狹因貢密疎人有定額不多置歲
久弊滋諸率寅緣為私利額外冒進甚乃甫通籍而乘其

本業希捷徑得直內或典郡縣者冗濫甚公議請以詔令
行之黜革數十人已奉改元詔大賚文武吏士悉允覈光
祿寺歲受六安芽茶供

上用柄事者額外恣取以自私民不堪命廬州知府龍誥
奏言之事下禮部公為裁議為中制并請損及內閣歲供
數得 旨報可壬午冬遷知江西贛州府府治巖險多盜
賊且健訟提督都御史兵備副使皆治其地事繁劇公明
於聽斷而廣設方畧獄訟興盜賊為衰戢贛於法食廣塩
鄰郡袁吉臨江三府則淮也然淮塩者法公請當路具奏
三府得食廣塩並如贛公私交稱便利焉任未暮癸未冬

丁建寧公憂還籍喪之如禮丁亥起復知湖廣長沙府治
先教化而抑強橫郡側湘江西岸嶽麓書院舊矣山川蟠
鬱為宋儒朱張兩先生論道講學之所由宋逮今興替率
以其人公嗣加脩葺刻今皇帝御製敬一箴其中增置
祠田選諸生之秀異者俾顯講習暇日親臨督課故彬
焉多所造就後先登科甲為時聞人者甚衆郡有吉藩
先是

王之就國奏乞田壹千畝百餘頃名鷄鵝食分生長沙等
八縣私治已前畝征銀四分畝厘蓋定制繇正德末府中
輒遣官校四方戶歛積增不啻倍官校又緣為私計畝之

徵蓋率兩倍其初民大不甚之公請仍舊貫但令縣徵送
府府送長司使封進官校不得苛民民大悅是時戶部得
請命天下有司積穀而以其所隸里數為之率歲滿戶部
奏旌其最公積穀五十餘萬秋夏稅糧起存百凡餘萬萬
吉府長史司濫受詞牒捕得人輒拘繫號門監甚罰楮穀
金錢勢張甚戊子冬會入覲有詔求言公列事貳拾有朵
上之部院多所採聽其禁受詞以專輔導壹事則顯訛切
吉傳吏部以為深切時弊請通行禁革巡撫都御史潘公
亟薦其治行請大用然因緣上事遂為吉藩所構於是撫
察思所以全之合奏調公荊州府報可適辰州保靖宣慰

司熬九霄四川酉陽宣慰再像爭地界各具奏

詔行兩省撫按官勘兩省撫按又畀其屬蜀得僉事劉公
隅楚得公兩賢素相知矢惟一心思索乃情使輸平且勒
石為界還報稱允始公之幼從建寧公學於閩見建寧公
與老吏論難律意率至夜分知讀律之難及仕又承其祥
刑守之官教既薦知諸大郎歷年久見世所刊律解附例
多舛誤且新故弗別解亦繁蕪於是更取律之全文大書
於前凡

御製諸書若大明令大誥三編及會典於律有互相發者
特書次之欵准條例分類附書又次之諸家註解節取其

要與正德新例法司見行諸比可備參考者皆細書分註
為叁拾卷題曰大明律讀法以上自為叙其畧云大明律
讀法者讀大明律法也律與經配讀經者必窮之六經以
通其理必考之傳註以疏其義必驗之諸史以論其世讀
律者於

御製諸書猶六經也解疏諸家猶傳也諸條例猶史也庸
可以不知乎如此凡數百言雖未獲公行至今司刑者竊
以為便荆州諸衛屯田子粒法當上之郡庾俟轉給廼諸
豪滑往往詣屯輒收其直陰賂吏而以已或他人俸紙潛
抵數徒虛造閔領公悉釐正寘法理在荆貳年積有贖金

罪穀凡數萬最於楚省都御史凌公援例奏請獎勞之會
有緣法過甚致被口語者戶部休而寢然公之才名則已
赫然在當世矣於是吉藩諸陪臣忌公將大用不利已又
撥長沙往事教挑王奏公置對當事者徃徃避忌莫為
明積數年而後解吏部以其久次也不竣赴部補公處州
府處在萬山中而當甌閩孔道他守或飾厨傳以稱過客
公嫉其然甫視事即為奏言其疾苦如均賦役當照丁田
不當照里教與蠲貸逋負料價免派新造戰舡材直及精
選甲科以知縣事併疲里以省實害申明優免則例以釐
積弊事多所施行恬故勤於穡事然若乏水旱即赤地公

為鑿泮彭峽脩治好溪偃月二堰約可灌田千頃民惠厥
德其詳畢具高東莊憲副所為記語多不能載十縣歲解
錢糧至府故有加增名水脚銀積之可千金餘公悉還之
靡所利廵按周御史首加論薦大有聲丙申冬公念生母
久未得贈意有嘆上疏闕曰下臣前禮部猥蒙

聖恩臣父君母並得封若贈惟臣生母以嫡在停格緣國
典章不敢輒有塵黷其後正德十有三年七月臣生母故
距今十有九年墓木拱矣臣竊詳法意嫡母在則生母之
封者以二母俱存嫌於耦嫡故停之以嚴嫡庶之分也若
生母以沒而嫡母存則封其嫡與贈其所生要似無嫌而

可以伸人子風木之根臣愚昧死不勝拳：下奏吏部議
是請贈其母李為恭人焚黃墓所尋陞陝西按察司副使
奉

勅整飭臨鞏平涼等處兵備甫之任道得除書遷江西布
政使司右叅政分守南昌道以明堂大饗禮成贈教授公
建寧公俱中大夫江西右叅政祖妣鄧先嫡妣李洎生母
李俱淑人封嫡母黎太淑人已而奉

表入賀

萬壽聖節還任迂河南按察使得報慨然有策勛樹功之
志時汴省一二臣室橫於鄉至或殺人前此蓋數被奏訐

然莫有能寘理者公憤而竟其獄皆當以大辟以是謗書
四塞賴當路知而保持之尋轉本省右布政使未幾轉左
轄汴人之困公習知也於是恣意經畫議省比歲藩祿誤
增之數而其止缺擬裁諸府冗役民校而禁其濫保閣寺
以無益俸薪臺隸之給僉議以為是壬寅秋山西被虜創
甚游騎至澤潞聲震 懷朝議增重樞督宣大偏保府事
權河南山東兩省聽節制公乃列上禦虜方略於督府其
畧曰愛養民力以破虜計收用不逞以散虜與出搗巢穴
以速虜歸設伏出奇以剉虜鋒重懸賞格以購虜首許賁
給賞以薄虜毒耀兵防秋以奪虜氣神道設教以惑虜見

先声虚喝以搖虜心搃督聯峯翟公大稱善癸卯秋鄉試
公先事提調罔不豫會母黎卒於任護喪南歸以附於建
寧公墓甲辰春被考得調時方宅憂乙巳冬服除例當如
部公嘆曰以吾之衰遲尚可奔走數千里覓官耶丙午春
上疏力陳衰病願乞首丘不報然自是亦無意於形勢之
途矣丁未春再考被免公方日夜為山鑿壘沼築臺構亭
樹藝花卉竹木為於菟計以與賓友相娛樂乃是歲秋七
月疾作竟不起距生弘治辛亥四月享年五十有七邦人
嘆說公天性英敏美姿容多才藝爽朗跌宕善戲謔與
之林勺讌會時令人解頰沾醉尤善理財聽訟雖積年逋

負能使無適十餘歲滯詔一覽而決別歷中外逾叁拾年
承部院大臣方公獻夫等劄薦無慮十餘疏博學泛覽
不名一家為文藻贍流麗書法清媚公弟環山司徒於其
篋得文集若干卷詩若干卷奏稿若干卷方為梓竹喜
上人不喜佚游靡費雖冬隆盛暑筆札書牘未常離手與
目不則課僕奴樹桑飼蚕力田料水分芋灌蔬雖墮核隕
穉寸絲片楮必自劄記綜理又得網紀僕數人佐之故羨
於貲娶崔氏滌衛指揮同知鎧女封淑人子宜之塲於長
沙女一適威海衛教授里中盧君之孫郡學生如收仕河
南時以文筮族告廟立其同母弟季之子官之亞子為其

塲子宜之後命名世續方七歲將以明年己酉正月十有
一日塋公城南傲渙塘之陽環山令其門人陳子漢輔摑
公言行歷履焉余詮次余自束髮學且仕從公游凡踰二十
年矣顧惟平生之雅不敢以不文辭於是誅其大都以告
名世大君子誌而銘之傳之罔極庶幾不朽焉謹狀

浙江

浙江



浙江圖書館

明故中奉大夫貴州布政司左布政使王君濟川墓誌銘

君諱汝舟字濟川別號時齋四川成都府華陽之錦官坊人高祖曰先曾祖曰永忠祖曰義考曰弼弼以進士授知縣擢御史遷按察僉事推贈義御史又以君官推贈弼奉政大夫母贈孺人張氏贈宜人李氏封宜人劉氏君乃李出生于戊子十二月二日距卒于辛卯九月七日壽六十八入覲及家二日也配封孺人曹氏子男一人女一人君少而穎敏自為華陽諸生為乙卯屬士為正德戊辰進士己巳為句容令三載徵為江西道御史為巡視陝西茶馬

遷為山東按察事整飭武定諸路兵備己卯以內艱去起
復為陝西僉事癸未秋遷為布政司叅議分守涼州諸路
丙戌遷為雲南叅政分守金滄道己丑遷為貴州布政左
轄至有賢聲鞠躬盡瘁嬰疾于瘴鄉卒于止寢始終生死
以順以正可以無憾矣是故其為薦士九載旅京賢實隱
然則有成就後學之功舉于鄉者三十舉進士者二十卓
為士人之宗其令句容則百廢具興六事克舉其為御史
則激揚風紀其巡視茶馬則茶利均布馬郡弗逸是以有
考稱拜封之嘉其為兵備武定則戎務咸理巨寇以平
是以有加俸金幣之賜其復僉陝西保任鳳翔兵備則斬

木通訓藏兵督捕以遏閔棧聚剽之寇其在叅議則涼儲以
足供餉有功是以有銀幣之賞羨餘三千悉備公儲其在
雲南叅政勘處末邦之夷以奪三苗之氣是以有銀象之
獻還金牌土地之攘其為貴州左轄破姑息之說勵振奮
之氣以消邊患練兵防守會計芻糧以定川寇周天星之
亂是以有銀幣之錫蓋自筮仕二十四年節操永清賢能
茂著才不完用骨志以歿故曰始終生死以順以正可無
遺憾矣有弟二人相友爱仲弟汝鹽送終執紼其季黃門
汝梅今遷浙江叅政道揚功德哀墓石之未立先以垂諸
其後乃為謁銘甘泉子曰銘也者以闡幽表隱而暴其美

於世者也矧濟川之德之功表：可見有如此者不可銘
之銘之豈但以其弟之賢哉銘曰

嗚呼濟川不遂濟川天子其人入乎其天維君孝友篤于
天倫推爾族黨及爾鄉鄰藥疾斂死以嫁以昏育德華陽
遂薦于鄉九載京師髦俊是倡乃登進士

乃宰勾容六事乃舉百廢乃興乃擢御史風采振揚乃也
茶馬縮伸上下散斂平施莫或成馬不逸群茶不騰價載
稽草場戎戎得所三載風清宿弊以罷備戎山東詰爾兵
刑武定文戴巨寇克平

帝曰勞茲俸賚以榮復僉于陝關棧為堯斬木督捕群盜

歛踪分守涼州饋餉以周大軍西征厥功顯褒羨餘三千
悉貽後謀乃叅于湏木邦是籌乃示福威氣奪三酋乃獻
銀象乃還所攘維牌維印維以土攘土人有言昔也悖在
今有王公遐不自藏我懷功德維以不忘左轄貴陽僻在
遐沿乃姑息廢乃紀綱君侯至止廢弛孔張天星寇旁毒
一方維以防禦維以芻糧遂奏厥功愜于
重瞳命幣寵錫簡在

帝衷忝印入覲二豎為亢夙嬰瘴癘劇于途中斃于正
寢維以正終令弟來懇甘泉銘公維石有朽顯名無窮



浙江圖書館

雲南右布政使贈光祿寺卿戴公墓誌銘

王爌撰

嘉靖改元九月雲南布政使贈光祿寺卿戴公子良以知
府起復行舟至濟寧得雲南布政之命還至彭城遭風波
之變乃改元明年三月十有五也嗚呼斯人斯禍天道
其可知也耶公性穎敏有大志早失怙生事日蹙薪水之
暇手不釋卷每至丙夜爇松明以代燭予伯父學稼翁見
而異之館之家食而教焉既而予伯兄太守南郭生先延
至興化與其子坊同筆硯比還同補縣學生同領鄉薦同
舉進士人難之尋丁母許憂服闋授刑部主事時逆瑾欲

籍故憲臣家公力辨其冤忤瑾意遂上疏謝病歸瑾敗復
起改工部主事董洪事于徐疏鑿隘隘以便漕舟三險戴秩
滿廷署員外監稅蕪湖公以利者謗之罔乃謀於巡按擇
縣佐廉者紀其八日以其八歸之縣俾縣歸之部一無所
預且稅廉而額浮焉用是清聲大著商人德之至有肖像
于舟中者尋進郎中擢江西臨江府知府益厲公廉不少
假借首捕數巨豪置之法民快之恤困窮節財用常若不
及故地當孔道民不告勞濠黨往往怙勢為奸利干有司
一切禁絕無所撓濠反是夕遣王師司政等詣臨江收郡
符公收斬之遂與家人臨池誓曰吾當守死孤城脫有急

汝輩先赴此水吾無憂矣即日戒嚴繕兵募士為固守計
不數日義兵四集乃三上書請督府王公伯安主義舉詞
甚激切比大兵進攻會城遣攻公未和門入焉即下令妄
殺擅取者以軍法從事麾下悚息莫敢犯至鄱陽與賊遇
不數合各哨兵水陸並進破之獲濠及其黨珎償一切無
所取凱旋丁內艱去位民為建祠樹碑記其遺愛云時紀
功給事中祝續巡按御史唐龍等論奏功次以公為最其
畧曰伍文定等一時偉功誠為可嘉若論人品戴德孺以
嚴御下秋毫不擾于民以廉律身千金不動其念臨事無
妄殺訖事不爭功此其上也下兵部議陞三級以酬其功

上可之至是始克拜命夫何異數僅爾倏構凶禍悲哉既
而兵部用御史朱節奏加贈謚以勸忠義上曰戴德孺平
叛有功又能廉以歷身陞官未任遽遭僣誕誠為可憫唯
贈光祿寺卿郡人刑部侍郎王公景昭覽江右捷疏嘆曰
偉哉子良遂撮其素履入尊鄉錄為之贊焉今祝鄉賢祠
嗚呼公食報于國與天者雖不能悉償其平生而功業節
操當與國史郡誌相終始視老死牖下生無聞死無傳者
孰榮孰辱壽夭蓋有不待辨而知者矣公亦奚憾哉公亦
奚憾哉

江西等處承宣布政使司左布政使三湖邢公珣墓誌銘

分宜嚴嵩撰

嘉靖壬辰夏六月三湖先生邢公卒于當塗之私第其年冬十一月塋高淳之花犇岡子鄉貢士址以予舊嘗知公來請銘予曰昔在己卯豫章之變公等合謀舉議大難以夷厥功偉矣顧柳於吏議公歸老三湖材用弗究君子惜焉論次公之行事以顯示來禔其誰曰不宜謹按邢氏其先河間人有諱弼者始徙家當塗湖陽寔始祖也曾祖諱震祖諱純皆不仕考諱愚贈南京刑部主事公諱珣字子用始舉進士授南京戶部主事改刑部轉員外郎郎中復

改戶部忤逆瑾褫職為民瑾敗復起除工部前後皆職留
署留署名稱蔚起擢知贛州府事壞接閩廣嶺嶠險絕多
盜有劇盜滿總等公推誠諭撫之率衆未降授以廬舍給
牛種俾居耕豐其犒賜也盜起乃藉以禦盜修古鄉社約
大新學宮飭周元公趙清猷之詞文教聿興焉正德丁丑
南安龍川群盜雲擾據橫水岡左溪諸峒時調楚兵未征
公為設方略督士衆悉恃平之已邇逆濠遣使齎重貲誘
滿總兵為助滿執使者言于公公曰吾固練兵集糗待之
爾筆云何皆頓首願自効時都御史王公守仁知府伍公
文定起義吉安公即日部兵未會次樟樹鎮時徵諸郡兵

尚未至公曰賊雖出城慮我師掩其後逗留不前今須馳
懷南昌否則賊兵還復入城猝難功矣乃即拔兵三日夜
抵南昌諸兵入城縱殺公曰王公出令禁之軍乃定濠至
安慶聞城破復還屯黃石渡距我師時伍公兵為前哨始
交鋒失利公倉皇馳援親執旗麾兵進刺其渠帥追斬數
十人賊勢稍却諸兵對江而陣時南風甚疾公遙望賊在
下流舟相尾曰是不可用赤壁策手即絙葦灌油擘小舟
薄之炬舉風迫烟焰蔽天賊亂溺死相枕藉濠遂成擒事
聞詔即陞公江西右叅政時城新破民物創痍又澤水為
災二三巨壩屯兵久駐貪暴加慘公拊循經畫勞甚今上

登極首議賞格言者謂公等縱部兵殺掠太多議久不決
公亦屢疏乞休乃詔陞公左布政使致仕公歸口不言功
有問者亦不答也社門玩經史自樂修家譜買田置義倉
以濟族人之貧先墓久湮者各表石識之公性剛介寡合
然遇人以識有君子長者之度焉為文章典實精確所著
采芹餘興此行紀事秋臺小記夏居歸間二錄水曹日記
章貢雜藁江藩筆歸田野語藏于家生天順壬午七月十
七日享年七十有一配安人楊氏子五長璧次埴坎址次
坊次堯府學生女一嫁士人劉輅銘曰維古郡國民兵是
職于以附衆子以威敵今之邦侯壤地攸似簿書其營違

卹武事顯允邢公奮起于時文治武功式克兼之屢萃寇
區桴鼓數起撫順權亮所向披靡惟公之謀決勝制奇勦
海潁川芬烈與夷漢澤不道亂我天常我致其身義旅肅
將赤旗陽陽軍于黃石煙塵晝冥電掃霆擊惟公之忠毅
於色形卓其勛勳以定反側天眷聖明宸極有歸江漢廓清
天日澄暉惟天生賢寔以資世平國大難若儲而俟帝曰
休哉惟爾膚功何以報之嶽伯之榮公則耒耨角巾私第
避寵辭榮人孰我忌惟其多德福祉優、永世弗忘紀石
茲丘

浙江



浙江圖書館

河南布政使司右布政霞山蔡公行實

蔡雲程

先君諱某字某別號霞山五世祖興三府君自郵故族元
末海上多兵患徙居臨海因家焉高祖某曾祖祖某皆有
耆德世以長厚稱之于鄉考貽庵府君某仕閩滄峽大使
以先君貴勅贈徵仕郎兵科右給中妣杜氏贈孺人成
化丁亥六月廿有八日寔生先君于京師旅舍先君自幼
穎異不詳讀書過目成誦久益不忘早失恃甫弱冠貽庵
府君亦謝世孤苦自立誓亢宗祐初業詩既成更業春秋
浩博精詣于學靡所弗窺董學西蜀吳公伯通吳公趙

公寬每歲試輒驚服優異咸以國士相期舉弘治辛酉
鄉魁乙丑會試文魁改翰庶吉士丁卯拜兵科給事中明
年戊辰分考禮闈所拔多名士在諫垣抗慨敢言中外想
望風采造逆璫當事違悞閱驗天下府庫虛實遣言官中
貴人雜出意在擊搏漁利海內岌然騷動先君奉推擇當
詣閩務惜元氣以存大体同事者始若落落終翕然服從
閩人莫不歸德至于今稱焉庚午轉右給事中辛未轉按
察僉事奉 璽書督學湖湘至則著條教揭學則先行後
文力振士習較閱精嚴弗弗奕髦髮湖湘人士親炙者
莫弗隨才造就聞風者莫不興起思慕垂四十年于茲皆

知稱曰霞山夫子也乙亥轉貴州右叅議貴西南荒徼蠻
獠叢兵革相尋清平苗寇據香爐山以叛勢搖全省先君
毅然往鎮其地至則盜益猖獗圍城數重乃殫慮經略誓
死以守為之間道轉餉而飢卒蘇為之濬泉極渴而古井
出百計支持竟賴蕩平太宰唐公龍時以御史按滇道清
平日擊其事破格論薦有曰獨當外患顛危不異於睢陽
竟保孤城功烈似過於張許人以為允迄今諸苗帖服邊
隅底寧肖遺像立生祠春秋俎豆不忘既而不肖往督滇
學轉叅貴藩每過其地士氓遠道問先君起居稽顙稱謝
日若翁寔生我我自鎮遠距省城凡七程重岡複嶺崎嶇

嶮絕旅行數十里無所依止乃為之十里創亭翼然相望
迄今過者莫不感頌會 奉天殿災詔市未川貴間勞勩
居多少司空陳公雍撫臺邵公文盛上其事爰被 內帑
文綺白金之錫壬午轉福建右叅政奉 璽書督儲至則
躬犯炎水徧歷諸郡運方略以靖海寇戾徵令以給軍儲
泉漳兵氓樹大事碑通衢標表功德其在他郡相地險隘
輒為梁涂蔽以亭宇大者別萬里林闢益田谿設北嶺飛
鷲雲巔敷化諸關皆昔稱魑魅魍魎之窟一旦薈蔚悉屏
化為康莊學士四明豐先生熙為記其事畧曰戒周合方
氏掌達天下之道路野閭氏掌達道路有相翔者誅之公


蓋績是功矣丁亥轉河南右布政使道出建陽郡郡故有
稿名朝天跨交溪悍流遠燬于火民以舟濟艱危震駭公
私為病因攀號遮留頓復舊觀為之惻然弭節數月解衣
為倡聞者爭先樂助日檢工備授成筭視舊倍加完美垂
成而後行論者擬諸端明萬安橋云泣汴凡注措悉務寬
平幕僚有死者貧不能歸傾月俸助之兩河四通八達之
區盜賊充斥靡有抵牾為下令郡縣道周悉從民種植榆
柳諸木縱橫各以行列不惟賊騎難於出沒且薪蒸亦資
民用汴人至今賴焉未幾聿動歸志具疏乞休因移書一
二知舊戒費奏者必得請乃返維時撫臺滿公埴巡按譚

續文章保留弗可得蓋自閩貴以來疏凡五十矣既歸徜徉山水陶寫吟味逍然樂以終日性疎於殖財施人則不知倦親戚故旧以匱乏告者靡弗賙之死不能葬者輒賻助之道路津要故無梁者矜之地壞者葺之其不可梁者舟之舟之弊者新之其尤難為力者如平大惡滩建邵家渡橋移三江埠疏東泉二井除千百年患害而貽之永利殫心悉謀捐貲為之必濟而後已他如割居址以闢通衢脫帶金以粥道瑾廣布方藥以康疾病凡可以利物濟人者為之略無勉強若嗜好然蓋自懸車以來餘二十年猶一日也歲中每值旱澇輒率鄉耆詣神詞祈禱靡不應驗

已酉夏旱尤甚為齋出禱于外冒暑致疾醫藥罔效七月
十九日遂考終正寢壽止八十有三是夕也烈風震電轟
然旋繞所居屋上人皆以為異於乎痛哉先生孝友出天
性每惟大父貽庵府君大母杜孺人不逮祿養遇忌日具
素冠經以祭涕泣不能休二伯氏湘涇旅塋滄峽使閩及
叅藩特為起墳置祀田一日援筆書撰真文忽有二鶴鳴
悲鳴庭樹復棲墓上覩者感嘆謂非偶致從兄弟冲淳淵
淵叔祖太倉令永洪所遺流落都下不能歸為振業其欲
留者携撫其欲歸者咸俾得所又襟度宏曠不立城府與
人不問親疎少長無弗通其情喜談名理間出雅謔揮麈

對客亶亶忘倦素精經術尤善啟發後先從遊者多所造
就癖好讀書未常一日釋卷為詩文肆筆而成求者靡弗
應之雖夢寐不忘哦咏短章片簡率寓箴儆不為無益語
喜作大書巨坊名扁取重遐邇乃若才裕經論志存康濟
見之施為者有限而蘊蓄無窮故方仕也而推賢之章交
上比崑也而起廢之薦不置卒之日聞者莫不驚悼鄉人
無老少咨嗟涕洟奔走會吊若喪所親競謀立石紀頌德
識者常槩先君平生有曰以春容弘雅為之體以忠厚厚
確為之用以恭謹周密為之教又曰先憂後樂務施澤物
如范文正公忠厚成風陝洛化德如司馬溫公克養和粹

玩心高明品題吟咏傲睨今古如邵康節先生於乎信然
笑先君初娶陳氏贈孺人繼洪氏封孺人尋以不肖筮仕
南曹值 郊祀推恩誥加贈封夫人且階先君通奉大夫
制詞有榮名壽考終始完節之褒子男三長即不肖娶秦
氏累封宜人次雲翰早卒皆陳出雲津娶謝氏側出女二
長適台州衛指揮吳臣封淑人次適鳳陽衛經歷施瓘孫
男四松齡栢齡邵學生椿齡柵孫女一適鄉進士戴汝愚
曾孫男三瞻恩迎恩馳恩曾孫女二所著詩文數十卷湖
湘學政一卷判義六卷編次名言二卷對偶菁華一卷其
他續緝甚多垂成而未稿脫是歲庚戌十月十有一日卜



堊難溪龍
 華之山不肖終天抱恨願天靡及爰據素履大
 略敬懇仁
 人君子賜之銘以圖不朽謹狀

浙江圖書館



浙江圖書館



浙 江 圖 書 館



浙江圖書館

浙江圖書館善本


甲 登記號：006672

一九 年 月 日



浙江圖書館


colorchecker CLASSIC



xrite



colorchecker CLASSIC



浙江圖書館

x-rite

100mm